

DEO OPT. MAX. VNI ET TRINO, VIRGINI DEIPARÆ, ET S. LVCÆ ORTHODOX. MEDICORVM PATRONO.

QVÆSTIO MEDICA,
QVODLIBETARIIS DISPUTATIONIBVS MANE DISCVTIENDA
IN SCHOLIS MEDICORVM, DIE IOVIS XIII. FEBRVARII.
M. TVSSANO FOVCAVLT, Doctore Medico, Præsides.

An agrè convalescentibus aqua Forgenſes?

MORBI sanitatisque reciprocas vices Corpus Humanum experitur, nec tamen malorum in nobis & bonorum aqua decessio est, facile ob optimo statu, & quasi sponte labimur, à vitioso agrè & invitâ velut Naturâ refurgimus: fallitur qui depulsâ agitudine secura credit omnia, vivit adhuc sub cineribus triplex reverſuri mali fomes; relictum visceribus nutritijs empyrevma caloris nativi divinis actionibus insensum, & ex nimio errore novis incendijs occasionem præbens, reliquiarum quæ à morbo superſunt, similem labem paritura congeries, tandemque Principum partium laxitas ac veluti concidentia: quibus omnibus virium languor necessariò coniungitur, & functionum omnium imbecillitas. His procellis obiectis nullus verè sanos dixerit; rectè convalescentes; qui eò facilius aut difficilius reficiuntur, quò altior, leviorve visceribus hæret prioris affectus impressio; accedentem prospiciunt sanitatem, & à limine saluant, verum ab illius sacrijs ad tempus excluduntur.

SERVASSE vitam, & morbum proſigasse quid proderit, nisi prorsus succis radicibus omnem ipsius renascendi suspicionem exemeris? etiam mox sedatâ tempeſtate diligens requiritur Medici, vt gubernatoris, industria; ille tunc in quassî corporis resarciendis ruinis totus est, tantum abest vt ipsi venæ sectione aut catharsi aliquid detrahat. Instaurandum est alimenti benignitate, quod prægressa Vacuatio, Inedia, & vis Morbi consumpsit. Cibus evchymus & facilis non affatim ingeratur inani ventriculo, elixus Prandio, assus Cœnæ: delectus ab edentis arbitrio pendeat. Vinum concedatur aquâ temperatum, sæpius rubrum, interdum album, numquam Hispanicum. Singulis diebus præstabit famem mediocri ambulatione obſonare quæ & passum excipiet. Veneri in hoc morbi & sanitatis confinio litare, pestiferum, quæ solis perfectè sanis amplexanda. Indulgeant somno longiori quorum salus versatur in lubrico, atque animi tranquillitati studeant. Ijs quoque loci mutatio erit in remedijs, vbi purus ac lucidus inspiretur aër, non cœnulos aut palustris. Neque tam opportunis auxilijs eorum res in tuto collocantur: infixus visceribus ardor eadem operâ restinguendus est, residua humorum sæx limusque crassior incidendus & expellendus per convenientes vias, addendum partibus robor, unde firmior, & actio promptior consequatur.

LARGA est, ne dicam, prodiga rerum Naturæ in Remediorum procreatione fecunditas, cum plantas in terræ superficie vbique parturit; at nullibi magis quàm quibusdam in locis admiranda, vbi Medicatas fundit Aquas, in ijsque Medicinam faciliè parabilem agris & convalescentibus propinat: Itæ diu per mineralium & metallorum venas devolutæ, perque longum telluris spatium transcolatæ, efficaci ditantur spiritu, tandemque fursum, quâ data porta, sudoris instar foras erumpunt: hinc varia à locis scaturiginum accipere nomina, San-Reginensium, Borbonensium, Spadensium, Forgenſium, vel mercurialium, sulphurearum, vitriolatarum, & ferratarum, à Mercvrij, Sulphuris, Vitrioli, Ferrique præ cæteris mineralibus dominatu, quæ vt alijs alias vires, sic ijsdem vegetiores aut seſniores pro intensiori aut remissiori qualitatibus impressæ gradu largiuntur. Hæc mixturâ omnibus consuluit Natura, & debilibus morbis imbecillas aquas, valentes valentibus & contumacibus aptavit. Mercuriales humoris lumen Venerem committentes feritatem demulcent, malignorum vlcærum & cutaneorum affectuum medelam pollicentur: Sulphuræ crassas, frigidos, & viscidos humores attenuant & coquant; Vitriolatæ citò per vniversas corporis partes permeant, obſtructiones solvunt, obſtructionumque materiam sæpe foras educunt; Ferro imbutæ partibus imbecillioribus adſtrictionem & soliditatem impertiunt.

IN aquis Forgenſibus nec adurentem Sulphuris qualitatem, nec erodentem Nitri acrimoniam inconſultus quispiam formidaverit, hæc solâ subtiliori & magis penetrabili vitrioli portione, solis roborantibus ferri particulis gravidatas, pelluciditas, austeritati iuncta aciditas, & experimenta demonstrant. Nonne vides Rosarum in aqua maceratarum vim adſtrictoriam instillatis acidis, vnâ cum permeabili tenuitate aquæ conciliari? peritior quovis artifice Natura idem in Forgenſi soli mineris præstat, vbi calor terræ insiti beneficio è Chalcantho spiritus elicitur, qui aquis ferratâ rubigine infectis admixtus, hæc & suis & extractis Ferri virtutibus beat, quibus (vt vltimâ Medicinæ anchorâ) in omnibus affectibus vt nullâ lege, nullo discrimine, ignorantis est, & temerarij; eandem innumeris fanationibus illustres damnare, iniusti, & sibi nimium arrogantis. In illis triplex ex aquæ Chalcanti & Ferri concursione facultas emicat, à quibus, partibus adferunt refrigerium, puritas ac firmitas comparatur: Nec solum Renum, Hepatis, ac Lienis calidam intemperiem emendant, sed & rupti in Mesenterio abscessus purulentam materiam auferendo, agrum ab vlcæris metu vindicant: Scerilitati, Vteri Fluoribus, & Alvi contumacibus profuvis medentur.

HAVD perpetua est aquæ Forgenſis assumendæ tempeſtativitas. Hyeme minùs commodus illius vsus, mensibus Iulio & Augusto maximè salutaris: Quibuslibet autem non licet sine Medici imperio ad hunc Fontem accedere, vt nec adventitios eius liquores in vrbe haurire. Cui multâ atque impurâ colluvione scatent viscera: cui putri muco obducuntur Venterculus & Intestina, cui venæ ab his ad Hepar pertinentes crassiori obſidentur infarctus, is non impune bibit: nisi multiplici purgatione præviâ, aquis alioqui per se tenuissimis, & sponte sibi viam facientibus in abdita Viscerum aditus pateat, non præterfluunt, gravissimoque Præcordijs sunt oneri: quod convalescentibus rite iam apparato corpore non accidit. Hos pro virium & superfluitis affectionis magnitudine iuvat copioso potu prolui, non semel ac repente, sed gradatim ac per vices aucto per quindecim dierum spatium, & imminuto quincuncium numero, vt parem vltimis ac primis hauſibus aquæ quantitatem forbillent. Hoc modo conceptum ardorem prorsus deponunt viscera continuo aquæ pertransitu, & quidquid fordium in Alvo ac prima regione relictum est, eluitur: crassior Bilis quæ sæpius medicamentorum purgantium vires eluſerat, vnâ cum serofâ illuvie per vrinas abducitur, atque id roboris suscipiunt viscera vi Ferri adſtrictoriâ ijs seſe insinuante, vt renovari homines, & in plures annos ætatis reddi contingat.

Ergo agrè convalescentibus aqua Forgenſes.

Proponebat Lutetiæ ARMANDVS-IOANNES DE MAVVILLAIN, Parisinus, A. R. S. H. M. DC. XLVIII.

DOMINI DOCTORES DISPUTATVRI.

M. Eusebius Renaudor.

M. Isaac Renaudor.

M. Tussanus Foucault, Præsides.



M. Antonius Morand.

M. Nicolaus Blanchet.

M. Ludovicus le Noir.



M. Franciscus Pjart.

M. Ioannes de Bourges.

M. Franciscus Boujonnier.

